



Defnyddiwch y nodiadau hyn i'ch helpu i lenwi tudalennau Preswylfa, cyfundrefn incwm ac enillion tramor (FIG) ac ati eich Ffurflen Dreth

Os ydych am gyflwyno tudalennau 'Preswylfa, cyfundrefn incwm ac enillion tramor (FIG) ac ati' ar-lein bydd angen i chi brynu meddalwedd oddi wrth gyflenwr masnachol, neu awdurdodi asiant proffesiynol i gyflwyno'ch Ffurflen Dreth ar eich rhan.

i I gael rhestr o gyflenwyr meddalwedd fasnachol Hunanasesiad, ewch i www.gov.uk/government/publications/self-assessment-commercial-software-suppliers

Peidiwch â chyflwyno'r tudalennau Preswylfa, cyfundrefn incwm ac enillion tramor (FIG) ac ati fel atodiad electronig i'ch Ffurflen Dreth ar-lein.

Llenwch y tudalennau Preswylfa, cyfundrefn incwm ac enillion tramor (FIG) ac ati os:

- nid ydych yn breswlydd yn y DU
- ydych yn breswlydd yn y DU ac:
 - wedi dod yn breswlydd yn y DU yn ystod y flwyddyn dreth hon
 - mae triniaeth blwyddyn ranedig yn berthnasol i chi
 - rydych am wneud hawliad ar gyfer rhyddhad o dan y gyfundrefn FIG
 - rydych am wneud hawliad neu ddewis ar gyfer Rhyddhad Diwrnod Gwaith Tramor (OWR)
 - rydych am wneud dewis cyfleuster ailwladoli dros dro (TRF) at ddibenion dynodi
 - rydych am wneud hawliad am ryddhad rhag treth y DU ar gyfer incwm tramor neu enillion a fuddsoddiwyd mewn busnes cymhwysol ('Rhyddhad Buddsoddiadau Busnes')

i I gael rhagor o wybodaeth am y pynciau sydd dan sylw yn y nodiau hyn, gweler y llyfryn RDR1, 'Guidance Note: Residence, Domicile and the Remittance Basis'. Ewch i www.gov.uk a chwilio am 'RDR1'.

Eich enw a Chyfeirnod Unigryw y Trethdalwr

Rhowch eich enw a Chyfeirnod Unigryw y Trethdalwr (UTR) yn y blychau ar frig y ffurflen.

Eich enw	Eich Cyfeirnod Unigryw y Trethdalwr (UTR)
<input type="text" value="Paul Smith"/>	<input type="text" value="1357924680"/>

Enghraifft o flychau enw ac UTR wedi'u llenwi

Blwch 1 Os nad oeddech yn breswlydd yn y DU ar gyfer 2025 i 2026

Mae'ch rhwymedigaeth treth yn dibynnu ar ble yr ydych yn 'breswlydd' ynddi ac ymhle mae'ch 'domisil' yn ystod blwyddyn dreth.

i I gael rhagor o wybodaeth am y Prawf Preswyllo Statudol, ewch i www.gov.uk a chwilio am 'Residence and FIG Regime Manual'.

Os ydych yn llenwi'r tudalennau ar ran rhywun a fu farw yn ystod blwyddyn dreth 2025 i 2026, bydd angen i chi ddarllen RFIG20900 ymlaen i'ch helpu i weithio allan ei statws preswyl.

Os gwnaethoch roi 'X' ym mlwch 1, ewch i flwch 4. Nid yw blychau 3 a 3.1 yn berthnasol. Rhaid i chi hefyd lenwi blychau 7 i 13, lle bo hynny'n berthnasol.

Blwch 3 Os yw'ch amgylchiadau'n bodloni'r meini prawf i gael triniaeth blwyddyn ranedig ar gyfer 2025 i 2026

Bydd triniaeth blwyddyn ranedig dim ond yn berthnasol os ydych yn breswlydd yn y DU ar gyfer y flwyddyn; os gwnaethoch roi 'X' ym mlwch 1, nid yw triniaeth blwyddyn ranedig yn berthnasol.

Os ydych yn breswlydd yn y DU mewn blwyddyn dreth, rydych yn talu treth y DU fel pe baech yn breswlydd am y flwyddyn dreth gyfan. Fodd bynnag, os ydych yn breswlydd, yn dod yn breswlydd neu'n peidio â bod yn breswlydd yn ystod y flwyddyn, rhaid i chi ystyried a oes unrhyw achos o flwyddyn ranedig yn berthnasol i chi. Os felly, byddwch yn cael triniaeth blwyddyn ranedig a bydd y flwyddyn dreth yn cael ei rhannu'n rhan DU ac yn rhan dramor, a byddwch dim ond yn talu treth ar yr incwm sy'n deillio o'r rhan DU o'r flwyddyn.

Mae 8 set o amgylchiadau lle gallech fodloni'r meini prawf ar gyfer triniaeth blwyddyn ranedig.

Achos 1	Dechrau gwaith amser llawn dramor - darllenwch RFIG21040 i RFIG21080.
Achos 2	Partner rhywun sy'n dechrau gwaith amser llawn dramor - darllenwch RFIG21090 i RFIG21120.
Achos 3	Rhoi'r gorau i gael cartref yn y DU - darllenwch RFIG21130 a RFIG21140.
Achos 4	Dechrau cael cartref yn y DU yn unig - darllenwch RFIG21150 a RFIG21160.
Achos 5	Dechrau gwaith amser llawn yn y DU - darllenwch RFIG21170 a RFIG21180.
Achos 6	Rhoi'r gorau i waith amser llawn dramor - darllenwch RFIG21190 i RFIG21230.
Achos 7	Partner rhywun sydd wedi rhoi'r gorau i waith amser llawn dramor - darllenwch RFIG21240 i RFIG21260.
Achos 8	Dechrau cael cartref yn y DU - darllenwch RFIG21270 a RFIG21280.

Os gwnaethoch roi 'X' ym mlwch 3:

- rhaid i chi gynnwys manylion am ba achos o flwyddyn ranedig sy'n berthnasol i chi yn y blwch 'Gwybodaeth ychwanegol', sef blwch 54
- peidiwch â rhoi 'X' ym mlwch 1 ond llenwch flwch 6
- rhowch nifer y diwrnodau a dreuliwyd yn y DU yn ystod y rhan dramor o'r flwyddyn dreth ym mlwch 10

Blwch 3.1 Os oes mwy nag un achos o driniaeth blwyddyn ranedig yn berthnasol

Rhowch 'X' ym mlwch 3.1 os ydych yn meddwl bod mwy nag un achos o driniaeth blwyddyn ranedig yn berthnasol ar gyfer blwyddyn dreth 2025 i 2026. Rhowch fanylion am ba achosion sy'n berthnasol i chi yn y blwch 'Gwybodaeth ychwanegol', sef blwch 54 sy'n dechrau ar dudalen RR 4.

i I gael rhagor o wybodaeth darllenwch RFIG21000, triniaeth blwyddyn ranedig, ewch i www.gov.uk a chwilio am 'Residence and FIG Regime Manual'.

Blwch 4 Os oeddech yn breswlydd yn y DU ar gyfer 2024 i 2025

Rhowch 'X' ym mlwch 4 os oeddech yn breswlydd yn y DU ar gyfer blwyddyn dreth 2024 i 2025 a bod un o'r canlynol yn wir:

- nid oeddech yn breswlydd ar gyfer blwyddyn dreth 2025 i 2026
- roeddech yn breswlydd ar gyfer blwyddyn dreth 2025 i 2026 ac mae triniaeth blwyddyn ranedig yn berthnasol i chi

Blwch 6 Os oes gennych gofnod ym mlwch 3, nodwch y dyddiad y mae'r rhan DU o'r flwyddyn yn dechrau neu'n dod i ben

Gweler blwch 3 am ragor o wybodaeth.

Blwch 7 Os ydych yn bodloni'r trydydd prawf tramor awtomatig

Mae canllawiau i'ch helpu i benderfynu a ydych yn bodloni'r prawf hwn ai peidio ar gael yn RFIG20140.

Blwch 8 Os oedd gennych fwllch rhwng un gyflogaeth a'r llall yn ystod 2025 i 2026

Rhowch 'X' ym mlwch 8 os ydych wedi rhoi 'X' ym mlwch 7 ac roedd gennych fwllch rhwng un gyflogaeth a'r llall yn ystod blwyddyn dreth 2025 i 2026. Dylid nodi dyddiad dechrau a dyddiad dod i ben ar gyfer pob bwlch yn y blwch 'Gwybodaeth ychwanegol', sef blwch 54.

i I gael rhagor o wybodaeth darllenwch RFIG20160. Ewch i www.gov.uk a chwilio am 'Residence and FIG Regime Manual'.

Blwch 9 Os oedd gennych gartref dramor yn ystod 2025 i 2026

Rhowch 'X' ym mlwch 9 os oedd gennych un neu fwy o gartrefi dramor a'ch bod wedi treulio o leiaf 30 diwrnod yn unrhyw un o'r cartrefi hynny yn ystod blwyddyn dreth 2025 i 2026. Rhaid i chi ystyried pob cartref dramor ar wahân.

i I gael rhagor o wybodaeth am yr hyn sy'n cael ei ystyried yn gartref, darllenwch RFIG22130 a RFIG22110. Ewch i www.gov.uk a chwilio am 'Residence and FIG Regime Manual'.

Blwch 10 Nifer y diwrnodau a dreuliwyd yn y DU yn ystod 2025 i 2026

Llenwch flwch 10, dim ond os ydych wedi rhoi 'X' ym mlychau 1 neu 3. Rhowch gyfanswm y diwrnodau yn ystod blwyddyn dreth 2025 i 2026 pan oeddech yn y DU am hanner nos ym mlwch 10. Yn ogystal â'r dyddiau pan oeddech yn y DU am hanner nos, dylech gynnwys unrhyw ddyddiau dros 30 sy'n cyfrif fel dyddiau tybiedig. Nodwch ym mlwch 54 faint o ddyddiau tybiedig sydd wedi'u cynnwys ym mlwch 10.

Rhaid i chi gynnwys unrhyw ddiwrnodau pan oeddech yn y DU am hanner nos o ganlyniad i amgylchiadau eithriadol (gweler blwch 11). Rhowch sero ym mlwch 10 os na wnaethoch dreulio unrhyw ddiwrnodau yn y DU ym mlwyddyn dreth 2025 i 2026.

Os ydych yn hawlio triniaeth blwyddyn ranedig ac wedi rhoi 'X' ym mlwch 3, dylai'r cofnod ym mlwch 10 fod ar gyfer diwrnodau a dreuliwyd yn y DU ar gyfer y rhan dramor o'r flwyddyn yn unig.

Nid oes angen i chi gynnwys diwrnodau teithio ym mlwch 10, ond rhowch nifer y diwrnodau yr oeddech yn teithio yn y DU ym mlwch 11.1.

Diwrnodau tybiedig

Mae'r Prawf Preswyllo Statudol yn gofyn i chi gyfrif nifer y diwrnodau rydych yn eu treulio yn y DU. Mae'r rhain yn ddiwrnodau pan rydych yn y DU am hanner nos.

Yn amodol ar y rheol tybio, ni fydd unrhyw ddiwrnodau pan nad ydych yma am hanner nos yn cyfrif fel diwrnod wedi'i dreulio yn y DU.

Mae'r rheol tybio'n berthnasol os ydych yn bodloni pob un o'r meini prawf canlynol:

- rydych wedi bod yn breswlydd yn y DU yn ystod un neu fwy o'r 3 blwyddyn dreth flaenorol
- mae gennych o leiaf 3 rhwymyn â'r DU ar gyfer y flwyddyn dreth
- rydych wedi bod yn bresennol yn y DU am fwy na 30 diwrnod yn y flwyddyn dreth pan nad oeddech yma am hanner nos


Ni fydd y rheol tybio'n berthnasol os ydych wedi rhoi 'X' ym mlwch 7.

Blwch 11 Nifer y diwrnodau ym mlwch 10 a briodolir i amgylchiadau eithriadol

Rhowch gyfanswm y diwrnodau rydych wedi'u treulio yn y DU o ganlyniad i amgylchiadau eithriadol y tu hwnt i'ch rheolaeth ym mlwch 11. Er enghraifft, salwch a ddigwyddodd pan oeddech yn y DU a oedd yn eich rhwystro rhag teithio.

Byddai enghreifftiau eraill o amgylchiadau eithriadol yn cynnwys trychinebau cenedlaethol a lleol, fel aflonyddwch dinesig, trychinebau naturiol, a rhyfel yn cychwyn.

Ni ellir priodoli mwy na 60 o ddiwrnodau i amgylchiadau eithriadol mewn unrhyw flwyddyn dreth - ni ddylai'r rhif ym mlwch 11 fod yn fwy na 60.

 I gael rhagor o wybodaeth, darllenwch RFIG22210 ymlaen. Ewch i www.gov.uk a chwilio am 'Residence and FIG Regime Manual'.

Blwch 11.1 Nifer y diwrnodau pan oeddech yn y DU am hanner nos yn ystod 2025 i 2026, ond roeddech yn teithio drwyddi

Rhowch gyfanswm y diwrnodau pan oeddech yn y DU am hanner nos yn ystod 2025 i 2026, ond roeddech yn teithio drwyddi, ym mlwch 11.1.

Ystyr 'diwrnod teithio' yw diwrnod pan rydych yn teithio o un wlad y tu allan i'r DU i wlad arall y tu allan i'r DU, ac yn ystod eich taith:

- rydych yn cyrraedd y DU fel teithiwr ac yn gadael y diwrnod wedyn
- rhwng cyrraedd a gadael y DU, nid ydych yn cymryd rhan mewn unrhyw weithgareddau nad ydynt yn gysylltiedig â'ch taith drwy'r DU

Peidiwch â chynnwys y diwrnodau hyn ym mlwch 10.

Blwch 12 Sawl rhwymyn â'r DU oedd gennych yn ystod 2025 i 2026?

Cymerwch y cam canlynol ar gyfer blwch 12:

- os nad ydych wedi rhoi 'X' ym mlwch 1 ond wedi rhoi 'X' ym mlwch 3 oherwydd eich bod yn bodloni'r meini prawf ar gyfer naill ai achos 4 neu achos 8 o flwyddyn ranedig, rhowch nifer y rhwymau â'r DU yr oedd gennych yn y rhan dramor o flwyddyn dreth 2025 i 2026 ym mlwch 12
- os nad ydych wedi llenwi blwch 1 na blwch 3, nid oes rhaid i chi llenwi blwch 12

At ddibenion y Prawf Preswyllo Statudol, ystyr 'rhwymau' yw cysylltiadau sydd gennych â'r DU. Mae nifer y rhwymau sydd gennych â'r DU yn pennu nifer y diwrnodau gallwch eu treulio yma cyn eich bod yn breswlydd y DU. Mae 5 rhwym y mae'n rhaid i chi eu hystyried.

Rhwymyn teuluol

Mae gennych rwymyn teuluol os yw eich gŵr, eich gwraig, eich partner sifil (oni bai eich bod wedi gwahanu), neu eich partner (yr ydych yn byw ag ef fel gŵr neu wraig) yn breswlydd yn y DU ar gyfer blwyddyn dreth 2025 i 2026. Bydd hefyd gennych rwymyn teuluol os oes gennych blentyn (dan 18 oed) sy'n breswlydd yn y DU ar gyfer blwyddyn dreth 2025 i 2026, ond mae rheolau arbennig yn berthnasol ar gyfer hyn – gweler RFIG20510 ymlaen.

Rhwymyn llety

Mae gennych rwymyn llety os oes gennych rywle i fyw yn y DU sydd ar gael i chi am gyfnod parhaus o 91 diwrnod. Rhaid i chi dreulio o leiaf un noson yn y man hwn yn ystod blwyddyn dreth 2025 i 2026..

Mae hyn yn codi i 16 noson os yw'r llety sydd ar gael yn gartref i berthynas agos.

Rhwymyn gwaith

Mae gennych rwymyn gwaith os ydych yn gwneud o leiaf 40 diwrnod o waith yn y DU yn ystod blwyddyn dreth 2025 i 2026. Er mwyn iddo gyfrif fel diwrnod o waith, rhaid i chi weithio am fwy na 3 awr bob dydd.

Rhwymyn 90 diwrnod

Mae gennych rwymyn 90 diwrnod os, yn y blynyddoedd treth 2023 i 2024 neu 2024 i 2025 (y naill un neu'r llall), roeddech yn y DU am fwy na 90 diwrnod (am hanner nos).

Rhwymyn gwlad

Mae gennych rwymyn gwlad os ydych yn treulio'r rhan fwyaf o'ch diwrnodau (am hanner nos) yn y DU yn ystod blwyddyn dreth 2025 i 2026. Nid oes angen i chi ystyried y rhwymyn hwn, oni bai eich bod wedi bod yn breswlydd yn y DU ar gyfer o leiaf un o'r blynyddoedd treth canlynol: 2022 i 2023, 2023 i 2024 neu 2024 i 2025.

Blwch 13 Nifer y diwrnodau y gwnaethoch weithio mwy na 3 awr yn y DU yn ystod 2025 i 2026

Os ydych wedi rhoi 'X' ym mlwch 1 a blwch 7 oherwydd eich bod yn bodloni'r trydydd prawf tramor awtomatig ar gyfer blwyddyn dreth 2025 i 2026, rhowch gyfanswm y diwrnodau y gwnaethoch weithio am fwy na 3 awr yn y DU yn ystod blwyddyn dreth 2025 i 2026 ym mlwch 13.

Os nad ydych wedi rhoi 'X' ym mlwch 1 ond wedi rhoi 'X' ym mlwch 3 oherwydd eich bod yn bodloni'r meini prawf ar gyfer unrhyw un o achosion 1 a 6 o flwyddyn ranedig, rhowch gyfanswm y diwrnodau y gwnaethoch weithio am fwy na 3 awr yn y DU yn ystod y rhan dramor o'r flwyddyn ym mlwch 13.

Blwch 14

Nid oes angen lenwi'r blwch hwn fel rhan o wneud hawliad neu ddewis ar gyfer OWR.

Pa weithgareddau mae 'gwaith' yn eu cynnwys?

Gweler RFIG20740.

Lwfansau personol ar gyfer y rhai nad ydynt yn breswyl a'r rhai sy'n breswylwr deuol

Blwch 15 Os, yn sgil cytundeb trethiant dwbl, mae'r hawl gennych i hawlio lwfansau personol fel rhywun nad yw'n breswyl

Rhowch 'X' ym mlwch 15 os ydych yn hawlio lwfansau personol fel rhywun nad yw'n breswyl o dan delerau cytundeb trethiant dwbl (CTD), a'ch bod yn bodloni un o'r amodau canlynol:

- rydych yn wladolyn yn Israel a Jamaica
- rydych yn wladolyn ac yn breswlydd yn yr Aifft, yr Ariannin, Awstralia, Azerbaijan, Bangladesh, Belarws, Bolifia, Bosnia-Hertsegofina, Botswana, Canada, Corea (Gweriniaeth), Cote d'Ivoire, De Affrica, Feneswela, Fietnam, Ffederasiwn Rwsia, Gambia, Gwlad Thai, India, Indonesia, yr Iorddonen, Japan, Kazakhstan, Lesotho, Maleisia, Montenegro, Moroco, Nigeria, Oman, Pacistan, Papwa Gini Newydd, Philipinau, Seland Newydd, Serbia, Simbabwe, Sri Lanka, Swdan, y Swistir, Taiwan, Tajikistan, Tiwnisia, Trinidad a Tobago, Turkmenistan, Twrci, Uganda, yr Wcráin neu Wsbecistan
- rydych yn breswlydd yn Barbados, Burma, Cenia, Fiji, Gwlad Belg, Gwlad Groeg, yr Iseldiroedd, Iwerddon, Lwcsembwrg, Mawrisiws, Namibia, Portiwgal, Swaziland, neu'r Swistir

Peidiwch â rhoi 'X' ym mlwch 15 os yw'r naill neu'r llall o'r canlynol yn wir:

- rydych yn breswlydd yn Cenia neu Mawrisiws
- rydych yn breswlydd ond nad ydych yn ddinesydd yng Ngwlad Belg, Lwcsembwrg, Portiwgal neu'r Swistir

ac mae'ch incwm yn deillio o ddifidendau, llog a breindaliadau (neu gyfuniad o unrhyw rhai ohonynt) yn unig

Nid oes hawl gennych i gael lwfansau personol os yw'r amodau hyn yn berthnasol.

I ategu'ch hawliad, bydd angen tystysgrif o breswyliaeth arnoch (ar gyfer cyfnod eich hawliad) gan yr awdurdod treth dramor a, lle y bo'n briodol, dogfennau (er enghraifft pasbort) i ddangos eich bod yn wladolyn y wlad honno. Cadwch eich tystysgrif a'ch dogfennau mewn lle diogel rhag ofn y bydd angen i ni eu gweld rhywbryd eto.

i I gael rhagor o wybodaeth am ryddhad fel rhywun nad yw'n breswyl o dan y cytundebau trethiant dwbl, ewch i www.gov.uk a chwilio am 'HS304'.

Blwch 16 Os ydych yn gymwys i hawlio lwfansau personol fel rhywun nad yw'n breswyl ar ryw sail arall, neu fel defnyddiwr y sail trosglwyddo preswylwr deuol o dan delerau cytundebau trethiant dwbl penodol

Rhowch 'X' ym mlwch 16 os ydych yn gymwys i hawlio lwfansau personol fel rhywun nad yw'n breswyl yn y DU, oherwydd:

- eich bod yn ddinesydd y DU neu'n wladolyn aelod-wladwriaeth arall yn yr Ardal Economaidd Ewropeaidd (AEE). Dyma restr o'r gwledydd sy'n Aelod-wladwriaethau yr AEE: Yr Almaen, Awstralia, Bwlgaria, Croatia, Denmarc, yr Eidal, Estonia, y Ffindir, Ffrainc, Cyprus, Gweriniaeth Slofac (Slofacia), Gweriniaeth Tsiec, Gwlad Belg, Gwlad Groeg, Gwlad Pwyl, Gwlad yr Iâ, Hwngari, yr Iseldiroedd, Iwerddon, Latfia, Liechtenstein, Lithwania, Lwcsembwrg, Malta, Norwy, Portiwgal, România, Slofenia, Sbaen a Sweden
- rydych yn breswlydd yn Ynys Manaw neu Ynysoedd y Sianel
- eich bod wedi preswyllo yn y DU o'r blaen ac yn preswyllo dramor oherwydd eich iechyd, neu iechyd aelod o'ch teulu sy'n byw gyda chi
- eich bod wedi'ch cyflogi yng ngwasanaeth y Goron, un ai ar hyn o bryd neu o'r blaen
- eich bod wedi'ch cyflogi yng ngwasanaeth unrhyw Wladwriaeth sydd o dan warchodaeth Ei Fawrhydi
- eich bod wedi'ch cyflogi yng ngwasanaeth unrhyw gymdeithas genhadol
- eich bod yn wraig weddw, yn wŷr gweddw, neu'n bartner sifil sy'n goroesi yr oedd eich diweddar wŷr, gwraig neu bartner sifil yng ngwasanaeth y Goron

Preswylwyr deuol yn hawlio'r sail trosglwyddo

O 6 Ebrill 2025 ymlaen, nid yw bellach yn bosibl i ddefnyddio'r sail drosglwyddo o drethiant.

Os ydych yn breswilydd deuol yn ystod blwyddyn dreth 2025 i 2026, ni allwch hawlio'r sail drosglwyddo ar gyfer unrhyw incwm neu enillion sy'n codi ar ôl 6 Ebrill 2025, ac ni fydd modd i chi hawlio lwfansau personol o dan delerau'r CTD.

Blychau 17 i 19

Llenwch flwch 17, dim ond os ydych wedi llenwi blychau 15 neu 16.

Llenwch flwch 19 dim ond os ydych wedi llenwi blwch 18 a'ch bod wedi bod yn breswilydd yn un o'r gwledydd a ddangosir ym mlwch 18 yn ystod blynyddoedd treth 2024 i 2025 a 2025 i 2026.

Defnyddiwch y rhestr o wledydd neu diriogaethau i ddod o hyd i'r cod 3 llythyren sydd ei angen arnoch i lenwi blychau 17 i 19.

Defnyddiwch res ar wahân ar gyfer pob gwlad.

17	Nodwch y cod/codau ar gyfer y wlad neu'r gwledydd yr ydych yn ddinesydd a/neu'n preswylwr ynddi/ynddynt - darllenwch y nodiadau
J E Y	

Enghraifft o god y wlad ar gyfer Jersey

Rhestr o wledydd neu diriogaethau

Mae '•' yn ail golofn y rhestr yn dangos bod gan y DU gytundeb trethiant dwbl (CTD) gyda'r wlad neu'r diriogaeth honno

Gwlad neu diriogaeth	CTD	cod 3 llythyren
Affganistan		AFG
Yr Aifft	•	EGY
Albania	•	ALB
Algeria	•	DZA
Yr Almaen	•	DEU
Andorra		AND
Angola		AGO
Anguilla		AIA
Antigwa a Barbwda	•	ATG
Yr Ariannin	•	ARG
Armenia	•	ARM
Arwba		ABW
Awstralia	•	AUS
Awstria	•	AUT
Azerbaijan	•	AZE
Bahamas		BHS
Bahrain	•	BHR
Bangladesh	•	BGD
Barbados	•	BRB
Belarws		BLR
Belize	•	BLZ
Benin		BEN
Bermwda		BMU
Bhwtn		BTN
Bolifia	•	BOL
Bonaire		BES
Bosnia a Hertsegofina	•	BIH
Botswana	•	BWA
Brasil		BRA
Brunei Darussalam	•	BRN
Burkina Faso		BFA
Burma (a elwir hefyd yn Myanmar)	•	MMR
Bwlgaria	•	BGR
Bwrwandi		BDI
Caledonia Newydd		NCL
Cambodia		KMH
Camerwn		CMR
Canada	•	CAN
Cape Verde		CPV
Cenia	•	KEN
Ciribati	•	KIR

Gwlad neu diriogaeth	CTD	cod 3 llythyren
Colombia	•	COL
Comoros		COM
Congo		COG
Costa Rica		CRI
Côte d'Ivoire	•	CIV
Coweit	•	KWT
Croatia	•	HRV
Curaçao		CUW
Cwba		CUB
Cyprus	•	CYP
De Affrica	•	ZAF
De Corea	•	KOR
Denmarc	•	DNK
De Swdan		SSD
Y Deyrnas Unedig		GBR
Djibouti		DJI
Dominica		DMA
Ecwador	•	ECU
Yr Eidal	•	ITA
El Salvador		SLV
Yr Emiraethau Arabaidd Unedig	•	ARE
Eritrea		ERI
Estonia	•	EST
Ethiopia		ETH
Y Fatican	•	VAT
Feneswela	•	VEN
Ffederasiwn Rwsiaidd	•	RUS
Y Ffindir	•	FIN
Ffrainc	•	FRA
Fiet-nam	•	VNM
Fiji	•	FJI
Gabon		GAB
Gaiana	•	GUY
Gaiana Ffrengig	•	GUF
Gambia	•	GMB
Georgia	•	GEO
Ghana	•	GHA
Gibraltar	•	GIB
Gini		GIN
Gini Trofanol		GNQ
Gini-Bissau		GNB
Gogledd Corea		PRK
Grenada	•	GRD
Guadeloupe	•	GLP
Guernsey	•	GGY
Gwam		GUM

Gwlad neu diriogaeth	CTD	cod 3 llythyren
Gwatemala		GTM
Gweriniaeth Canol Affrica		CAF
Gweriniaeth Ddemocrataidd y Congo (Zaire gynt)		COD
Gweriniaeth Dominica		DOM
(Gweriniaeth) Iwerddon	•	IRL
Gweriniaeth Slofacia	•	SVK
Gwlad Belg	•	BEL
Gwlad Groeg	•	GRC
Gwlad yr Iâ	•	ISL
Gwlad Pwyl	•	POL
Gwlad Thai	•	THA
Haiti		HTI
Hondwras		HND
Hong Kong (SAR)	•	HKG
Hwngari	•	HUN
India	•	IND
Indonesia	•	IDN
Yr Iorddonen	•	JOR
Irac		IRQ
Iran		IRN
Yr Iseldiroedd	•	NLD
Israel	•	ISR
Jamaica	•	JAM
Japan	•	JPN
Jersey	•	JEY
Kazakhstan	•	KAZ
Kosovo	•	KSV
Kyrgyzstan	•	KGZ
Laos		LAO
Latfia	•	LVA
Lesotho	•	LSO
Libanus		LBN
Liberia		LBR
Libya	•	LBY
Liechtenstein	•	LIE
Lithwania	•	LTU
Lwcsembwrg	•	LUX
Macao (SAR)		MAC
Macedonia (FYR)	•	MKD
Madagascar		MDG
Malawi	•	MWI
Maldives		MDV
Maleisia	•	MYS
Mali		MLI
Malta	•	MLT
Martinique	•	MTQ

Gwlad neu diriogaeth	CTD	cod 3 llythyren
Mawrisiws	•	MUS
Mawritania		MRT
Mayotte		MYT
Mecsico	•	MEX
Micronesia		FSM
Moldofa	•	MDA
Monaco		MCO
Mongolia	•	MNG
Montenegro	•	MNE
Montserrat	•	MSR
Moroco	•	MAR
Mosambic		MOZ
Namibia	•	NAM
Nawrw		NRU
Nepal		NPL
Nicaragwa		NIC
Niger		NER
Nigeria	•	NGA
Niue		NIU
Norway	•	NOR
Oman	•	OMN
Pacistan	•	PAK
Palau		PLW
Panama	•	PAN
Papwa Gini Newydd	•	PNG
Paragwâi		PRY
Perw		PER
Polynesia Ffrengig		PYF
Portiwgal	•	PRT
Puerto Rico		PRI
Qatar	•	QAT
Reunion	•	REU
România	•	ROU
Rwanda		RWA
Saba	•	BES
Sambia	•	ZMB
Samoa		WSM
Samoa Americanaidd		ASM
San Marino	•	SMR
Sao Tome a Principe		STP
Saudi Arabia	•	SAU
Sbaen	•	ESP
Seland Newydd	•	NZL
Senegal	•	SEN
Serbia a Montenegro	•	SRB
Seychelles		SYC

Gwlad neu diriogaeth	CTD	cod 3 llythyren
Sierra Leone	•	SLE
Simbabwe	•	ZWE
Singapôr	•	SGP
Sint Eustatius	•	BES
Sint Maarten (y rhan Iseldiraidd)		SXM
Slofenia	•	SVN
Somalia		SOM
Sri Lanka	•	LKA
St Helena a'i Dibyniaethau		SHN
St Kitts a Nevis	•	KNA
St Lucia		LCA
St Pierre a Miquelon		SPM
St Vincent a'r Grenadines		VCT
Swaziland	•	SWZ
Swdan	•	SDN
Sweden	•	SWE
Y Swistir	•	CHE
Swrinam		SUR
Syria		SYR
Taiwan	•	TWN
Tajikistan	•	TJK
Tansaïa		TZA
Timor-Leste		TLS
Tiwnisia	•	TUN
Togo		TGO
Tokelau		TKL
Tonga		TON
Trinidad a Tobago	•	TTO
Tsiad		TCD
Tsieina	•	CHN
Tsile	•	CHL
Turkmenistan	•	TKM
Twfalw	•	TUV
Twrci	•	TUR
Unol Daleithiau America	•	USA
Vanuatu		VUT
Wcráin	•	UKR
Wganda	•	UGA
Wrwgwâi	•	URY
Wsbecistan	•	UZB
Y Weriniaeth Tsiec	•	CZE
Yemen		YEM
Yr Ynys Las		GRL
Ynys Manaw	•	IMN
Ynys Pitcairn		PCN
Ynys y Nadolig	•	CXR


Gwlad neu diriogaeth	CTD	cod 3 llythyren
Ynysoedd Caiman	•	CYM
Ynysoedd Cocos (Keeling)	•	CCK
Ynysoedd Cook		COK
Ynysoedd y Falkland	•	FLK
Ynysoedd Ffaröe	•	FRO
Ynysoedd Gogledd Mariana		MNP
Ynysoedd Marshall		MHL
Ynys Norfolk	•	NFK
Ynysoedd y Philipinau	•	PHL
Ynysoedd Solomon	•	SLB
Ynysoedd Svalbard a Jan Mayen		SJM
Ynysoedd Twrcs a Caicos		TCA
Ynysoedd yr Wryf Prydeinig	•	VGB
Ynysoedd yr Wryf yr Unol Daleithiau		VIR
Ynysoedd Wallis a Futuna		WLF
Dim un o'r uchod		ZZZ

(Rhowch fanylion yn y blwch 'Gwybodaeth ychwanegol', sef blwch 54 ar dudalen RR 4.)

Statws preswyl mewn gwledydd eraill


Blwch 20 Swm yr incwm cytundeb trethiant dwbl y mae rhyddhad rhannol yn cael ei hawlio ar ei gyfer

Bydd angen Taflen Gymorth 304, 'Non-residents – relief under double taxation agreements' arnoch i'ch helpu i lenwi'r blwch hwn. Bydd angen i chi hefyd lenwi ac anfon y ffurflen hawlio briodol sy'n rhan o'r daflen gymorth.

 I gael rhagor wybodaeth, ewch i www.gov.uk a chwilio am 'HS304'.


Blwch 21 Rhyddhad o dan gytundeb trethiant dwbl rhwng y DU a gwledydd eraill – swm a hawliwyd oherwydd cytundeb yn dyfarnu hawl i breswyl i wlad arall

Nodwch swm treth y DU a ddiwynnwyd ym mlwch 21 yn unig. Bydd angen Taflen Gymorth 302, 'Dual residency' arnoch i'ch helpu i lenwi'r blwch hwn. Bydd angen i chi hefyd lenwi ac anfon y ffurflen hawlio briodol sy'n rhan o'r daflen gymorth.

 I gael rhagor wybodaeth, ewch i www.gov.uk a chwilio am 'HS302'.

Blwch 22 Rhyddhad a hawliwyd oherwydd darpariaethau eraill y cytundebau trethiant dwbl perthnasol


Nodwch swm treth y DU a ddiwynnwyd ym mlwch 22 yn unig. Bydd angen Taflen Gymorth 304, 'Non-residents – relief under double taxation agreements' arnoch i'ch helpu i lenwi'r blwch hwn. Bydd angen i chi hefyd lenwi ac anfon y ffurflen hawlio briodol sy'n rhan o'r daflen gymorth.

 I gael rhagor wybodaeth, ewch i www.gov.uk a chwilio am 'HS304'.


Unigolion nad ydynt yn breswyl dros dro, enillion cyfalaf ac incwm

Pan fyddwch yn dychwelyd i'r DU ar ôl peidio â bod yn breswyl yma dros dro, efallai y bydd incwm ac enillion penodol a gododd, neu a gafodd eu trosglwyddo yn ystod eich cyfnod o beidio â bod yn breswyl dros dro, yn cael eu trethu.

Mae'r rheolau sy'n berthnasol yn dibynnu ar y flwyddyn dreth pan wnaethoch adael y DU. Ar gyfer Treth Incwm, os gwnaethoch adael y DU yn ystod blwyddyn dreth 2012 i 2013 neu mewn blwyddyn dreth gynharach, darllenwch HMRC6. Os digwyddodd hyn yn ystod blwyddyn dreth 2013 i 2014 neu mewn blwyddyn dreth ddiweddarach, gweler RFIG21510 ymlaen.

 I gael rhagor wybodaeth, ewch i www.gov.uk a chwilio am 'RFIG215100'.

I gael HMRC6, ewch i www.gov.uk a chwilio am 'HMRC6'

 I gael gwybodaeth am Dreth Enillion Cyfalaf, ewch i www.gov.uk a chwilio am 'HS278'.

Cyfundrefn incwm ac enillion tramor (FIG), Rhyddhad Diwrnod Gwaith Tramor (OWR) a chyfleuster ailwladoli dros dro (TRF)

O 6 Ebrill 2025 ymlaen, bydd incwm ac enillion byd-eang holl breswylwyr y DU yn cael eu trethu wrth iddynt godi. Fodd bynnag, os ydych yn 'preswyllydd newydd cymwys', byddwch yn gymwys i hawlio rhyddhad rhag treth y DU ar incwm ac enillion tramor penodol a gododd yn ystod blwyddyn dreth 2025 i 2026. Gall hyn gynnwys rhyddhad rhag incwm o gyflogaeth penodol o dan OWR.

Os oeddech yn defnyddio'r sail drosglwyddo yn flaenorol, mae gennych hawl i ddefnyddio'r TRF yn ystod blwyddyn dreth 2025 i 2026 mewn perthynas ag incwm tramor ac enillion cyn 6 Ebrill 2025. Gallwch hefyd ddefnyddio'r TRF ar gyfer rhai dosbarthiadau o strwythurau alltraeth sy'n cyfateb i'r incwm ac enillion a gododd cyn 6 Ebrill 2025.

Blwch 23 Ar ba ddyddiad y gwnaethoch gyrraedd y DU?

Os gwnaethoch roi 'X' ym mlwch 28, 29 neu 40, mae'n rhaid i chi roi'r dyddiad mwyaf diweddar pan y gwnaethoch ddod i'r DU.

Blwch 24 Os oeddech yn breswlydd yn y DU yn ystod blwyddyn dreth cyn y flwyddyn ddiweddarach y gwnaethoch gyrraedd, nodwch y flwyddyn honno

Os gwnaethoch roi 'X' ym mlwch 28, 29 neu 40, mae'n rhaid i chi nodi'r flwyddyn dreth pan oeddech yn breswlydd yn y DU ddiwethaf, os yw'n berthnasol, cyn y dyddiad ym mlwch 23. Nodwch y flwyddyn gan ddefnyddio'r fformat BBBB-BB, er enghraifft, nodwch 2025 i 2026 fel '2025-26'. Os nad oeddech erioed yn breswlydd yn y DU ar gyfer blwyddyn dreth cyn y dyddiad a nodwyd ym mlwch 23, gadewch flwch 24 yn wag.

Cyfundrefn incwm ac eillion tramor (FIG)

Rydych yn breswlydd newydd cymwys os mai dyma un o'ch 4 blynedd gyntaf o breswlyio yn y DU ar ôl cyfnod o 10 mlynedd dreth yn olynol o breswlyio y tu allan i'r DU, oni bai eich bod yn aelod o Dŷ'r Cyffredin neu Dŷ'r Arglwyddi. Os ydych yn breswlydd newydd cymwys, rydych yn gallu hawlio rhyddhad rhag treth y DU ar incwm ac enillion tramor cymhwysol sy'n codi yn ystod eich 4 blynedd gyntaf o breswlyio yn y DU. Nid oes gofyn i chi ddod â'ch incwm ac enillion tramor cymhwysol i'r DU, ond ni fydd unrhyw rwymedigaeth treth os byddwch yn dewis gwneud hynny. Os yw'r incwm yn 'incwm sydd wedi'i anghymhwysol' ('disqualified income'), nid yw'n incwm tramor cymhwysol.

Nid yw eich cenedligrwydd, eich domisil ar unrhyw adeg, na'ch gallu i hawlio'r sail drosglwyddo mewn blynyddoedd blaenorol yn effeithio ar eich cymhwysra mewn perthynas â'r gyfundrefn FIG.

Os oeddech yn defnyddio'r sail drosglwyddo yn flaenorol, ac wedi dychwelyd i'r DU ar ôl cyfnod o 10 mlynedd dreth yn olynol o breswlyio y tu allan i'r DU, ac yn gymwys i ddefnyddio'r gyfundrefn FIG, ni allwch hawlio rhyddhad ar gyfer unrhyw incwm tramor neu enillion tramor a gododd cyn 6 Ebrill 2025 pan oeddech yn defnyddio'r sail drosglwyddo. Mae hyn yn wir p'un a wnaethoch drosglwyddo'r incwm a'r enillion i'r DU o fewn y 4 blynedd gyntaf ar ôl dychwelyd neu beidio.

Mae'n rhaid i chi wneud hawliadau ar wahân ar gyfer rhyddhad o dan y gyfundrefn FIG ar incwm tramor, enillion tramor neu o dan OWR. Rydych yn gwneud yr hawliadau hyn drwy roi 'X' yn y blwch priodol (gweler isod). Mae'n rhaid i chi roi gwybod am yr incwm tramor neu'r enillion tramor sydd i'w rhyddhau, fesul ffynhonnell, ar y dudalen atodol briodol.

i I gael rhagor o wybodaeth am y gyfundrefn FIG, ewch i: www.gov.uk a chwilio am 'HS266'.

Blwch 28 Os ydych yn gwneud hawliad am ryddhad ar gyfer incwm tramor o dan y gyfundrefn FIG

Rhowch 'X' ym mlwch 28 os ydych yn breswlydd newydd cymwys a'ch bod am hawlio rhyddhad ar eich incwm tramor. Os gwnaethoch roi 'X' ym mlwch 28, mae'n rhaid i chi roi gwybod am yr incwm tramor sydd i'w rhyddhau. Dylech wneud hynny fesul ffynhonnell ar y tudalennau atodol perthnasol (SA103F 'Hunangyflogaeth (llawn)', SA104F 'Partneriaeth (llawn)', SA106 'Tramor' neu SA107 'Ymddiriedolaethau ac ati').

Os gwnaethoch roi 'X' ym mlwch 28, peidiwch â llenwi blychau 3 a 6 ar dudalen TR 3 o'r Ffurflen Dreth Hunanasesiad. Dylai unrhyw log a difidendau tramor sydd heb eu trethu, waeth beth fo'r swm, gael eu nodi ym mlwch 4 neu 6 ar dudalen F 2, tudalennau 'Tramor' (SA106).

Blwch 29 Os ydych yn gwneud hawliad am ryddhad ar gyfer enillion tramor o dan y gyfundrefn FIG

Rhowch 'X' ym mlwch 29 os ydych yn breswlydd newydd cymwys ac am hawlio rhyddhad ar eich enillion tramor. Os gwnaethoch roi 'X' ym mlwch 29, mae'n rhaid i chi roi gwybod am yr enillion tramor sydd i'w rhyddhau, fesul ffynhonnell, ar y dudalen 'Crynodeb o Dreth Enillion cyfalaf' (SA108).

i I gael rhagor o wybodaeth, ewch i RFIG42100 yn y 'Residence and FIG Regime Manual' yn www.gov.uk/government/collections/hmrc-manuals

Blwch 30 Os oes gennych incwm neu enillion yn y DU a ystyrir i fod o dramor o dan reolau gwmni sy'n dal asedion cymhwysol

Rhowch 'X' ym mlwch 30 os oes gennych incwm neu enillion yn y DU a ystyrir i fod o dramor o dan reolau cwmni sy'n dal asedion cymhwysol. Mae'n rhaid nodi manylion am incwm neu enillion yn y DU a ystyrir i fod o dramor ar y tudalennau 'Tramor' (SA106) neu'r tudalennau 'Crynodeb o Dreth Enillion Cyfalaf' (SA108), ynghyd ag unrhyw swm rydych am hawlio rhyddhad ar ei gyfer o dan y gyfundrefn FIG.

I gael rhagor o wybodaeth am reolau cwmnïau sy'n dal asedion cymhwysol, gweler IFM40000 ymlaen yn y Llawlyfr Cronfeydd Buddsoddi yn www.gov.uk/hmrc-internal-manuals/investment-funds/ifm40000

Sail drosglwyddo ar gyfer incwm ac enillion tramor cyn 6 Ebrill 2025

O 6 Ebrill 2025 ymlaen, nid yw bellach yn bosibl i ddefnyddio'r sail drosglwyddo o drethiant. Fodd bynnag, mae'n bosibl y gall unrhyw incwm neu enillion tramor cyn 6 Ebrill 2025, yr oedd y sail drosglwyddo yn berthnasol iddynt, gael eu trethi wrth iddynt gael eu trosglwyddo i'r DU.

Blwch 37 Os ydych wedi trosglwyddo incwm neu enillion enwebedig yn ystod 2025 i 2026

Rhowch 'X' ym mlwch 37 os ydych wedi trosglwyddo unrhyw incwm neu enillion tramor enwebedig o fwy na £10 yn ystod blwyddyn dreth 2025 i 2026. Os yw'r incwm neu'r enillion yn ymwneud â mwy nag un flwyddyn dreth, rhowch ddadansoddiad o'r swm yn y blwch 'Gwybodaeth ychwanegol', sef blwch 54.

Os gwnaethoch ddewis TRF at ddibenion dynodi ar gyfer blwyddyn dreth 2025 i 2026, mae'n bosibl na fydd angen i chi roi'r rheolau cyfreithiol ('ordering rules') ynghylch incwm neu enillion enwebedig ar waith.

i I gael rhagor o wybodaeth am drosglwyddo incwm neu enillion enwebedig, gweler RDRM35100 ymlaen a RDRM76300. Ewch i www.gov.uk a chwilio am 'Remittance Basis and Domicile Manual'.

Blwch 38 Os ydych yn hawlio rhyddhad rhag treth y DU ar gyfer incwm neu enillion tramor a fuddsoddiad mewn busnes cymhwysol yn ystod 2025 i 2026

Yn y blwch 'Gwybodaeth ychwanegol', sef blwch 54, rhowch ddadansoddiad o'r symiau a fuddsoddiad ym mhob cwmni ar wahân.

i I gael rhagor o wybodaeth am ryddhad buddsoddiadau busnes a'r amodau cymhwyso, darllenwch RDRM34300 ymlaen. Ewch i www.gov.uk a chwilio am 'Remittance Basis and Domicile Manual'.

Blwch 39 Os ydych wedi hawlio rhyddhad yn y gorffennol ar gyfer buddsoddiad cymhwysol ond nid yw'r buddsoddiad bellach yn gymwys i gael rhyddhad

Os ydych wedi rhoi 'X' ym mlwch 39, rhaid i chi roi gwybod i ni beth yw swm y buddsoddiad nad yw'n gymwys mwyach a rhif cofrestru'r cwmni yn y blwch 'Gwybodaeth ychwanegol', sef blwch 54. Rhaid i chi wneud yn siŵr bod yr hawliad yn cael ei dynnu'n ôl. Rhaid talu unrhyw dreth sy'n ddyledus ar y trosglwyddiad, hyd yn oed os oes hawl gennych i wneud dewisiad ar y trosglwyddiad hwnnw o dan TRF.

Rhyddhad Diwrnod Gwaith Tramor (OWR)

Os oes gennych enillion o gyflogaeth yn ystod blwyddyn dreth pan oeddech yn breswlydd yn y DU, mae'r enillion hynny yn drethadwy yn y DU wrth i chi eu cael. Os byddwch yn gweithio y tu allan i'r DU am ran o'r flwyddyn dreth, neu'r flwyddyn dreth gyfan pan fyddwch yn breswlydd yn y DU, ac os byddwch yn bodloni'r meini prawf i fod yn breswlydd newydd cymwys, byddwch yn gymwys i gael OWR (a elwir hefyd yn Rhyddhad Cyflogaeth Dramor) ar eich enillion am y tollau a gyflawnir y tu allan i'r DU. Gweler EIM43550+ i gael rhagor o wybodaeth ar OWR. I gael rhagor o wybodaeth i bennu eich statws preswyllo o dan y Prawf Preswyllo Statudol, gweler RFIG20000+.

Blwch 40 - Rhowch 'X' yn y blwch os ydych yn gwneud dewis ar gyfer Rhyddhad Diwrnod Gwaith Dramor

Rhowch 'X' yn y blwch os ydych am wneud dewis ar gyfer OWR. Mae dewis OWR yn eich galluogi i wneud hawliad OWR am ryddhad ar gyfer eich incwm cymhwysol o gyflogaeth dramor ar gyfer y flwyddyn gymhwysol honno, mewn unrhyw flwyddyn dreth y caiff ei drethu, gan gynnwys y flwyddyn y gwneir y dewis ynddi. Mae'n rhaid dewis OWR cyn y gellir gwneud hawliad am OWR. Drwy wneud dewis, nid oes gennych hawl i rai lwfansau, megis lwfansau personol na'r Swm Blynyddol wedi'i Esemptio (AEA) ar gyfer enillion trethadwy, ar gyfer y flwyddyn dreth y gwneir y dewis. Gweler EIM43850 i gael rhagor o wybodaeth.

Blwch 41 - Rhowch 'X' yn y blwch os ydych yn gwneud hawliad ar gyfer Rhyddhad Diwrnod Gwaith Dramor

Rhowch 'X' yn y blwch os ydych am wneud hawliad ar gyfer OWR. I wneud hawliad dilys ar gyfer OWR, mae'n rhaid i chi hefyd fod wedi gwneud dewis ar gyfer OWR.

Blwch 43 - Rhowch 'X' yn y blwch os ydych yn gymwys ar gyfer darpariaethau trosiannol OWR yn ystod unrhyw flwyddyn yr ydych yn gwneud hawliad ynddi

Rhowch 'X' yn y blwch os ydych yn gymwys ar gyfer y darpariaethau trosiannol OWR. Mae'r darpariaethau trosiannol yn berthnasol os daethoch yn breswlydd yn y DU a dod yn gymwys i gael OWR o dan y rheolau a oedd ar waith cyn 5 Ebrill 2025 ac wedi dewis i gael eich trethu ar y sail drosglwyddo ym mlwyddyn dreth 2023 i 2024 neu 2024 i 2025. Os ydych yn rhoi 'X' yn y blwch hwn, peidiwch â nodi ffigur ym mlwch 47.

Blwch 44 - Incwm cymhwysol o gyflogaeth ar ôl didyniadau

Nodwch gyfanswm gwerth yr incwm cymhwysol o bob cyflogaeth yn y flwyddyn dreth ar ôl rhoi'r didyniadau cymhwysol ar waith.

Blwch 46 - Incwm cymhwysol o gyflogaeth dramor ar ôl didyniadau

Nodwch gyfanswm gwerth yr incwm cymhwysol o gyflogaeth dramor ar ôl rhoi'r didyniadau cymhwysol ar waith. Dyma swm yr incwm cymhwysol o gyflogaeth sy'n ymwneud â gwneud dyletswyddau cyflogaeth y tu allan i'r DU fel y pennir ar sail gyfiawn a rhesymol.

Blwch 47 - Uchafswm y rhyddhad sydd ar gael o dan y terfyn ariannol

Nodwch uchafswm y rhyddhad rydych yn gymwys i'w gael. Uchafswm y rhyddhad sydd ar gael yw'r isaf o'r canlynol:

- 30% o'r incwm cymhwysol o gyflogaeth perthnasol, a nodir ym mlwch 44
- £300,000


Os ydych yn nodi 'X' ym mlwch 43 oherwydd eich bod yn gymwys ar gyfer darpariaethau trosiannol OWR, nid oes angen i chi ystyried y terfyn ariannol ac ni ddylech nodi unrhyw beth ym mlwch 47.

Blwch 48 OWR a hawliwyd ar gyfer yr incwm cymhwysol o gyflogaeth

Nodwch swm y rhyddhad OWR rydych am ei hawlio. Os oes unrhyw beth wedi'i nodi ym mlwch 47, ni ddylai'r ffigur hwn fod yn fwy na'r ffigur hwnnw.

Blwch 49 - Os ydych yn gwneud un hawliad neu fwy am OWR, rhwch gyfanswm y rhyddhad a hawliwyd ar gyfer y flwyddyn dreth hon

Nodwch gyfanswm y swm o OWR rydych am ei hawlio ar gyfer y flwyddyn dreth hon mewn perthynas â'r holl flynyddoedd treth y gwnaed dewis OWR ar eu cyfer. Mae'n rhaid llenwi'r blwch hwn er mwyn iddo gael ei gynnwys yn eich cyfrifiad treth. Sylwer: os ydych am gynnwys swm o OWR ar gyfer blynyddoedd cyn 5 Ebrill 2025, dylai hyn gael ei gynnwys ym mlwch 12 ar dudalen Ai2 y dudalen 'Gwybodaeth ychwanegol' (SA101). Ym mlwyddyn dreth 2025 i 2026, mae'n rhaid i'r cofnod hwn beidio â bod yn fwy na'r cofnod ym mlwch 48.


 I gael rhagor o wybodaeth am Ryddhad Diwrnod Gwaith Dramor, ewch i www.gov.uk a chwilio am 'EIM43550'.


Cyfleuster ailwladoli dros dro (TRF)

O 6 Ebrill 2025 ymlaen, nid yw bellach yn bosibl i ddefnyddio'r sail drosglwyddo o drethiant. mae'n bosibl y gall unrhyw incwm neu enillion tramor cyn 6 Ebrill 2025, yr oedd y sail drosglwyddo yn berthnasol iddynt, gael eu trethi wrth iddynt gael eu trosglwyddo i'r DU. Os oeddech yn defnyddio'r sail drosglwyddo yn flaenorol, efallai bod gennych symiau cyn 6 Ebrill 2025, a elwir yn 'cyfalaf tramor cymhwysol'.

Mesur dros dro yw'r TRF ar gyfer unigolion sydd â chyfalaf tramor cymhwysol. Mae cyfradd dreth isel ar gael i unigolion sy'n dewis defnyddio'r TRF. Y gyfradd TRF ar gyfer blwyddyn dreth 2025 i 2026 yw 12%.

I ddefnyddio'r TRF, mae'n rhaid i chi wneud dewis a dynodi'r symiau rydych am dalu tâl y TRF arnynt.

 I gael rhagor wybodaeth am y cyfleuster ailwladoli dros dro, ewch i www.gov.uk a chwilio am 'HS264', 'HS262' a 'HS270'.

 I gael rhagor o wybodaeth, gweler RDRM70000. Ewch i www.gov.uk a chwilio am y 'Remittance Basis and Domicile Manual'.

Blwch 50 Os ydych yn gwneud dewis o dan y TRF

Rhowch 'X' ym mlwch 50 os oeddech yn defnyddio'r sail drosglwyddo yn flaenorol, ac yn breswlydd yn y DU ar gyfer blwyddyn dreth 2025 i 2026, ac yn gwneud dewis i ddynodi swm o gyfalaf tramor cymhwysol o dan y TRF.

Blwch 51 Swm sy'n ymwneud â dewisiadau TRF personol

Os gwnaethoch roi 'X' ym mlwch 50, nodwch ym mlwch 51 gyfanswm y dynodiadau, ac eithrio unrhyw symiau sy'n ymwneud â thaliadau cyfalaf a buddiannau gan ymddiriedolaethau. Fodd bynnag, gweler yr eithriadau isod:

- os ydych yn dynodi taliad cyfalaf neu fuddiant gan ymddiriedolaeth am ei fod yn deillio o'ch incwm neu'ch enillion tramor cyn 6 Ebrill 2025 y gwnaethoch eu setlo i'r ymddiriedolaeth, dylech gynnwys y swm ym mlwch 51
- os ydych yn gwneud dau ddynodiad ar yr un swm, oherwydd bod y taliad cyfalaf neu'r buddiant hefyd wedi'i gyfateb i'r incwm neu enillion yn strwythur yr ymddiriedolaeth a gododd cyn 6 Ebrill 2025, dylech gynnwys y swm ym mlwch 51 ac ym mlwch 52
- os ydych yn dynodi swm o incwm cyn 6 Ebrill 2025 sy'n drethadwy o dan y ddeddfwriaeth setliadau, dylech gynnwys y swm ym mlwch 51

Os ydych wedi creu cyfrif cyfalaf TRF ym mlwyddyn dreth 2025 i 2026 ac wedi adneuo unrhyw gyfalaf TRF ynddo, rhaid i chi gynnwys y manylion perthnasol yn y blwch 'Gwybodaeth ychwanegol', sef blwch 54 ar dudalen RR 4.

Efallai y byddwch hefyd am ddarparu manylion ym mlwch 54 am gyfrifon banc neu bortffolios sy'n cael eu dynodi, unrhyw asedion corfforol sy'n cael eu dynodi (lle nad yw'r asedion yn falansau arian parod), esboniad ynghylch unrhyw ddynodiadau rhannol (gan gynnwys unrhyw elfen nad yw wedi'i dynodi) neu unrhyw wybodaeth arall rydych o'r farn sy'n berthnasol i'ch dynodiad TRF. P'un a ydych yn dewis rhoi'r manylion hyn ai peidio, mae'n rhaid i chi gadw cofnodion i ategu'ch dynodiad.

Blwch 52 Swm sy'n ymwneud â thaliadau cyfalaf a buddiannau gan ymddiriedolaethau

Os rhowch 'X' ym mlwch 50, nodwch ym mlwch 52 gyfanswm y symiau a ddynodwyd sy'n ymwneud â thaliadau cyfalaf a buddiannau gan ymddiriedolaethau ym mlwyddyn dreth 2025 i 2026, sy'n cyfateb i'r incwm neu enillion yn strwythur yr ymddiriedolaeth a gododd cyn 6 Ebrill 2025.

Os ydych yn gwneud ail ddynodiad ar daliad cyfalaf oherwydd ei fod hefyd yn deillio o'ch incwm neu'ch enillion tramor cyn 6 Ebrill 2025, dylech gynnwys y swm ym mlwch 51 ac ym mlwch 52. Os ydych yn dynodi swm o incwm cyn 6 Ebrill 2025 sy'n drethadwy o dan y ddeddfwriaeth setliadau, dylech gynnwys y swm ym mlwch 51. Dylech gynnwys y swm ym mlwch 52 dim ond os ydych yn ei ddynodi am ei fod yn cyfateb i'r incwm neu enillion yn strwythur yr ymddiriedolaeth a gododd cyn 6 Ebrill 2025.

Os ydych wedi creu cyfrif cyfalaf TRF ym mlwyddyn dreth 2025 i 2026 ac wedi adneuo ynddo unrhyw ddynodiadau TRF sy'n ymwneud â thaliadau cyfalaf neu fuddiannau sy'n cynrychioli cyfalaf TRF, mae'n rhaid i chi gynnwys y manylion perthnasol yn y blwch 'Gwybodaeth ychwanegol', sef blwch 54 ar dudalen RR 4.

Gallwch hefyd roi manylion pellach ym mlwch 54, megis dadansoddiad paru, i gadarnhau bod taliadau cyfalaf a buddiannau yn gymwys i'w dynodi o dan y TRF. P'un a ydych yn dewis rhoi'r manylion hyn ai peidio, mae'n rhaid i chi gadw cofnodion i ategu'ch dynodiad.

Blwch 53 Swm y dewisiadau TRF a drosglwyddwyd yn y flwyddyn dreth hon

Os gwnaethoch ddynodi unrhyw symiau o dan y TRF ym mlwch 51, mae'n rhaid i chi roi gwybod i ni faint o'r symiau hyn a drosglwyddwyd i'r DU yn 2025 i 2026, os o gwbl. Ni ddylai'r swm ym mlwch 53 fod yn fwy na'r ffigur ym mlwch 51.

Gallwch hefyd roi manylion pellach ym mlwch 54, megis dadansoddiad cronfa gymysg, i gadarnhau bod cyfalaf TRF wedi'i drosglwyddo. P'un a ydych yn dewis rhoi'r manylion hyn ai peidio, mae'n rhaid i chi gadw cofnodion sy'n dangos nad yw'r trosglwyddiadau hynny'n agored i Dreth Incwm nac i Dreth Enillion Cyfalaf.

Blwch 54 Gwybodaeth ychwanegol

Rhowch unrhyw wybodaeth ychwanegol yn y blwch hwn, er enghraifft unrhyw:

- incwm neu enillion enwebedig
- cyfraniadau Rhodd Cymorth yn y DU
- hawliadau am ryddhad trethiant dwbl
- incwm neu enillion tramor enwebedig (dros £10) a drosglwyddwyd yn ystod blwyddyn dreth 2024 i 2025, sy'n ymwneud â mwy nag un flwyddyn dreth
- buddsoddiad nad yw bellach yn gymwys i gael rhyddhad
- incwm a gafwyd o gyfranddaliadau neu warantau mewn cwmni y tu allan i'r DU sy'n cael ei drin fel gyfranddaliadau neu warantau mewn cwmni yn y DU oherwydd broses o gyfnewid sy'n digwydd ar neu ar ôl 17 Tachwedd 2022
- hysbysiadau ynghylch cyfrif cyfalaf TRF
- manylion unrhyw enwebiadau TRF
- manylion unrhyw drosglwyddiadau o incwm neu enillion tramor nad ydynt wedi'u henwebu o dan TRF

Rhagor o gymorth os bydd ei angen arnoch

I gael copiau o unrhyw daflenni cymorth neu ffurflenni treth, ewch i www.gov.uk/ffurflenni-a-thaflenni-hunanasesiad

Gallwch ffonio Gwasanaeth Cwsmeriaid Cymraeg CTheF ar 0300 200 1900 i gael cymorth gyda'ch Ffurflenni Treth.

Gall diddanwyr a sbortsmyn nad ydynt yn breswyl gael rhagor o help o'r swyddfa ganlynol:

Diddanwyr a sbortsmyn nad ydynt yn breswyl

Elusennau, Cynilion a Rhyngwladol 1 / Charities, Savings and International 1
Cyllid a Thollau EF / HM Revenue and Customs
BX9 1AU

Ffôn: 03000 547 395 (o'r DU)
00 44 3000 547 395 (o dramor)

Mae gennym ystod o wasanaethau ar gyfer pobl ag anabledd. Mae'r rhain yn cynnwys arweiniad mewn Braille, ar sain ac mewn print bras. Mae'r rhan fwyaf o'n ffurflenni hefyd ar gael mewn print bras. Cysylltwch â'n llinellau cymorth am ragor o wybodaeth.

Arweiniad yn unig yw'r nodiadau hyn sy'n adlewyrchu'r sefyllfa ar adeg eu hysgrifennu. Nid ydynt yn effeithio ar yr hawl i apelio.